

Da Speeshal Scotts

Wance a lang time ago, weel no so lang ago, dere wis a gret muckle faimily wha bid in a muckle hoose near da sea shore. Dis faimily wisna an ordinary family - dey aa hed gifts (an no toy gifts lik dolls or fitbas, dey hed powerful gifts).

Dir wis Lena Scott da midder she could control plants, dir wis da faither cad Jonathon Scott an he could control water an da sea.

Da Aldest bairn Rachel wis 16 and hed the power of speed den it forteen dir wis twins dat wis April and Charlie. April hed da power o' fire an lava an Charlie hed da power o' ice an watter. Da middle bairn wis Enid an she wis aafil clivver and could mind control an she wis 10, and den da shape shifters Isaac and Jacob wha wir five but if dey wanted tae dey could be 90 or even 100.

Last but no least Everleigh wha wis only wan and number wan in destruction wi da gift o' lightnin'.

Wan moarnin a veesitor cam alang fir help wi her bairns sweemin. She wis caad Mary and she needed Charlie to laern dem how ti sweem . At dat moment a da bairns wir up da stairs playing chess made oot o lava fir da black pieces and oot o ice fir da white eens "its lookin ta be a clos game fir dis twa." commented Issac as Rachel an Charlie played firnensed een anidder. A lok o' fok cam fir help and a' receive it if its fir mendin injures or fixin' chocolate brownies dey will git help. Dey a' gaed doon da stairs tae see about dis bairns sweemin'. A' da while Everleigh wis ootside setting da shore ablaze wi colours o pink and purple - whit a sight just lik da mirrie dancers , but da sight didna lest as da bairns cam an pit da fire oot. "Everleigh! No agen! You irna meant tae do dat!" Dey calmed Everleigh doon an efter sho feeneeshed gowlin' sho fell asleep a hed sweet dreams. While she needed da bairns a' played on da shore except Charlie wha laerned Mary's bairns tae sweem. "Jump in! It's no dat high!" Charlie telt dem. Mary's bairns lookit at een anidder. Dey wirna sae sure. It lookit braaly high fae whar dey wir upo da muckle rock. "I doot we'll likly hae tae try it' een sed tae da idder. Dey took a peerie step an fell intae da shallow, cowlid watter. Charlie hed pat up wa's o' ice so da bairns didna go too far oot. Den he got da shape shifters Issac an Jacob tae pretend to be dratsies so dat Mary's bairns could race dem an Enid controlled dir minds (joost a peerie bit) so dat dey wir braver den dey mighta been. By da time dat dey wir feeneeshed dey could aa' sweem lik neesiks. Mary an her bairns wir dat blyde. Dey aa sed thank you tae da Scott bairns an startit dir lang wak hom ower da hill rod.

Da Scott bairns bed in da sea an hed races an hocked aboot in da ebb in da tang. Efter a start dey startit tae big tings wi dir powers. Dey made a lava brig we peerie lava boats tied tae its sides an in da lava boats dir wis an ice steerin' wheel an ice sitts. It wisna very comfy.

Da bairns workit an biggit ice boats so dat dey could slide doon an ice ramp dat dey maed as weel. Lava wis a good fun whin dey mixed it wi watter but no whin its hot. Joost is dey wir startin tae relax "Waaaaaaaaaaaa" Everleigh hed woken up but wi dir powers dey pat her back tae sleep in a lava rock bed haeted be da haet lava which da bed wis sittin abun.

Dir midder Lena shouted fir dem tae come back up tae da hoose fir dir tae. It was a splendid denner o' carrots, neeps, tatties an kale. Dir midder hed only joose set da vegetables twenty meenits fae sine but sho wis dat good wi da plants dat sho could git dem tae grow in nae time ava.

Jonathon, dir faeder, wis aye in charge o da dishes and makin a cup o tae efter dir denner. He wis able tae sprout clean watter fae his fingers and hed da dishes washed in nae time. It wis aye a peety he couldna dry dem as weel, but dey joost laid dem at side until dey wir ready to pit awa. Den he sprouted hit watter fae his hands and med dem a' a cup o tae.